

Ե Ր Թ

ՎԱՐԴԱՆԱՆՑ ՅԱԽԱՐԱՅՐ

ԱՄՊՐՈՊԱՅՈՅՁ հանդոյն միրկայ շանթածին
Յարեւելից դիմէ հրոսակ ժանտ Պարսկին ,
Յոտին 'ի սրտի սարսին աղինք արտաթունդ ,
Դողան Հեղենք , քծնին զտիւքն իբր ըսկունդ .
Այլ մէք որդիք Հայկայ յաղատուն Մասեաց
Ի դռինչ փանդուան ձայն տամք 'ի զէն Սասանեանց :

Ի զէն 'ի զէն ընթացուք ,
Հայրենասէրքդ աննրկունք .
Լուաղին սուսերք 'ի ժանդոյն ,
Ի ճապաղիս վարդագոյն ,
Եւ յետս հարցին թշնամիք .
Զի Խաչն է մեր զօրաւիդ :

Յերբ սուգ արւոյն , ողբ հէք մանկուոյն աղածրի ,
Յերբ անմահին անուն փառաց պղծեսցի .
Հայկազունք , վրէժ դռնն սիրուն Հայրենիք ,
Վըրէժ քաջաց լաւաց հարանց մեր ոգիք .
Ու որ տայ զորոտն վարդեալ 'ի թեւս ամպրոպաց ,
Վըրէժ ձայնէ վեհն յեթերին 'ի բարձանց :

Ի զէն 'ի զէն ընթացուք ,
Հայրենասէրքդ աննրկունք , և այլն :

Ի հարաւ կոյս , 'ի հարաւ կոյս դունդագունդ .
Ո՛վ , որ յանդուսպ վառիք 'ի սէր հոգեսնունդ ,
Ժեր պարմանիք , ծաղիւնք խաղից Եդեմին ,
Ճէտք ըսկայից քաջաղեղանց Հայ դարմին ,
Տղմուտ գետոյն անդր 'ի յափունքս դաւար ,
Հարսւլ , վանե՛լ 'ի Հայրենեաց զեկն օտար :

Ի զէն 'ի զէն ընթացուք ,
Հայրենասէրքդ աննրկունք , և այլն :

Ո՛հ , իբր անժոյժ վառին աշխոյժք Հայկազանց
Յեռանդնազար շըշուկ խաղմին մահաղդեաց ,

Իբր Վրենյեն խրինջախրոխտ երիւարք
Մինչ ռադմական հնչեն ուժգին դուռ բարբառք .
Ձայն անդրադարձ գընայ որոտ առ որոտ ,
Յարիւն բոսոր փայլի հօրոտն եւ մօրոտ :

Ի զէն 'ի զէն ընթասցուք ,
Հայրենասէրքդ աննրկունք , և այլն :

Յայնժամ զիւրդ վարդեալ 'ի սօս հրանրժոյգ
Դէմ թնամույն սլանայ զուարթ եւ առոյգ ,
Իբր 'ի թաւուտս սնդեալ ըզհետ եղջերուաց ,
Դիւցազն Հայոց , պաշտպան Կրօնի , Հայրենեաց .
Շառափնաթափ 'ի ճօճ սըրոյն երկսայրի
Բիւր կառափունք 'ի գիւ գլորին 'ի դաշտի :

Ի զէն 'ի զէն ընթասցուք ,
Հայրենասէրքդ աննրկունք , և այլն :

Իսկ մինչ հարեալ յորսայս 'ի դաշան անկանի ,
Անմահ զուարթունք շնչեն զոգին դեռատի ,
Իբր 'ի ծաղիլեն զեփիւռ ըզխունին քաղցրաբոյր .
Նա հսկային ննջէ ըզքուն վէհ ու անդոյր ,
Դաւարազուարճ լերինք սընարք են գլխոյն ,
Աստղափրթիթ երկին ծածկոյթ իւր մարմնոյն :

Ի զէն 'ի զէն ընթասցուք ,
Հայրենասէրքդ աննրկունք , և այլն :

Ո՛հ , անմահ է , անմահ անունն յուրիտեան
Հայ դիւցազին , ազատութեան ախոյեան .
Յորչափ կանգուն՝ յիշեն ըզնա Հայրենիք ,
Յողբս համակին հովիտք , բբլուրք եւ լերինք ,
Ուիք արտասուաց գընան Մասեաց 'ի սարէն ,
Տրտմեալ տերեւք ուռեաց անոյշ ցօղ կաթեն . . . :

Ի զէն 'ի զէն ընթասցուք ,
Հայրենասէրքդ աննրկունք , և այլն :

Ողջն ապա՝ երկիր , հրաշից աստարեղ ,
Ողջն հուսի նուազ սէր մեր սրտից , ողջն քեզ .
Երթամք պուղել ըզպիղծ Պարսից ջոլիւ ժանտ ,
Երթամք խղիւղ զստրկութեանն պարուանդ ,
Ի յաղթանակ ազատութեան խաչակիր՝
Կամ քաղցր 'ի նինջ փառօք 'ի ծոյգ լուսալիր :

Ի զէն 'ի զէն ընթասցուք ,
Հայրենասէրքդ աննրկունք , և այլն :

Ողջամբ կացիր, անմահդ Մասիս ձիւնակող,
Յաւիտենից յիշատակաց վե՛հ կոթող.

Ողջամբ եւ դուք զուարթուն հովիտք քառեկաց,
Սկունք վըճիտք Բիւրակնայ սուրբ աղբերաց,
Քարածորան սահանք ուղից Երասխայ,
Կապոյտ երկին, վե՛հ հովանիք, դա՛շտք ծաղկեայ:

Ի զէ՛ն 'ի զէ՛ն ընթացուք,
Հայրենասէ՛րքդ աննըկունք, և այլն:

Ողջն եւ քեզ քաջամարտիկըդ Վարդան,
Միահեծան լծակ բաղդին Հայութեան,
Որ վառեցար 'ի զէն 'ի զարդ խաչանիչ՝
Յանձառ լուսոյն եւ եթ գաւառս ակնապիչ,
Լէ՛ր առաջնորդ ոտից մերոց գայթ 'ի գայթ
Ուր ակնախտիդ փառաց անմահ ճառագայթ:

Ի զէ՛ն 'ի զէ՛ն ընթացուք,
Հայրենասէ՛րդ աննըկունք, և այլն:

1876 Փետրվար 12

Ա.-Երև Կարապետեան Կ. Պօլեյի
Աշխ. Ժառ. Վարձարանի:

